

shim da dum gup hagwil hūwāl shimt, dilt̃h ma dum shim lip dilt̃gaudi na gian shimt, dilt̃h dum hakhalthalsha shim da ga anon shimt, niwāl̃da na dup haizumuk shimt:

12 Dum wil ama wila wāl̃luksha shimt ash dup niadit gū kshta gialaga dit, ada dum wha shgokshk ga shim da ligi gaut.

13 Ada al althga hashagum waikia, alth dum wha wilagilsh shim ā wila-wāl̃ ltha lakshdhoiyaga dit; dum wil wha lūdakdauklthk ga gagaud shim niwāl̃da hou nagazāon giadit gū whati shgū da nabōishk ga dit.

14 Awil amiza shimhoudikshim ā n'zaksh Jesus, ada gik giniatk ga dit, nini dum di wāl̃ nha lukshdhoiyaga da dash Jesus, dum shila dagoidukshish ga Shimoigiat ga Lakā gish niat.

15 Awil gwai hōum da gwashim ash ga na Algiaksh ga Miyān ga, gun hōum ga, gū wila wālsh nūgum ashi dildōlsha dit, gū māl̃n da dish ga dum wil goiduksh ga Miyān ga, gup althga dum di yagai taganguma na ltha lakshdhoiyaga dit.

16 Awil dum lip tikigoiduksh ga Miyān gish ga lakāga, dum tkahokshk ga dida kshtāmgut, dilt̃h amhoush ga archangel ga; dilt̃h na ha'algiaksh ga Shimoigiat ga Lakāga: ada dum kshgaugum nhaniadash ga nha dūit gish Christ:

17 Ada wilt̃ nūgum gū ashi dildōlsha dit, gū māl̃n dit, dum shā shila mandoksha dit ash ga shpagait sha ga, ā dumt lūdāltk gish ga Miyān gish ga Lakāga: ada nini dum lthawila hakhokshk gum gish ga Miyān ga.

18 Ninilt̃h ma gun-shim na sha-gutleda gagaud shimt ā algiaga gwa.

CHAPTER V.

1 Ada al wila wāl̃ timesit, dilt̃h ligi wila dhāsh ga lakāga, waikia,

althga dum di shilk damtk gulth wila wāl̃ da gwashim.

2 Awil lip āzaga ma shim wilai dumt hoigiakt̃ ga na shāt̃ gish ga Miyān ga wil goiduksha hūkgālaga dida ātk gut.

3 Ashi hahou dit, Gungiaksh dilt̃h Limautk gut-da, al wil gaiaim sha goiduksha gunlūgagunshk ga da lakau dit, niwāl̃da wāl̃ waumgushk ga da hanaga dum lthgōlthk ga dit; ada gup althga dum di limautk gut.

4 Ada al althga di shpagait shgēutksha shim, waikia, za gunt gidigū shim ga sha ga niwāl̃da wāl̃ hūkgālaga dit;

5 Awil tkānish nūshim klthgū goibat, dilt̃h klthgū zīush dit; althga di ātk gullh nhawāl̃ da gum, ligi shgēutk;

6 Gun shū'unza wha dū'm lakshdhoiyagum, niwāl̃da wāl̃ nagazāon giadit, yagai am dum lilt̃hks̃hum ada dum whati gākām'mt.

7 Awil nā lakshdhoiyaga dit, ātk ga wil lakshdhoiyaga dit; adāt̃ nā gākām dit, ātk ga wil gākām dit.

8 Ada al shū'unza wāl̃um gūt̃ nūgum, wil zīush da nhawāl̃ dida gum, dum wha gākām'mt, a dup dum boiya gunlthānum gāigum shimhoudikshīt̃ dilt̃h shiibunshk gut: ada dum dhau-lum ga, nabōishgum gunlimautk ga-ga.

9 Awil althga n't gun gup wandum ga Shimoigiat ga Lakāgulth lthū'undi, yagai dup dum wil da āklthk gish ga gunlimautk gaga ash ga Miyānum gut Jesus Christ ga gunwāldit,

10 Gū nha zagut̃ ga gum, gū, zū za ligi lilt̃hks̃hum ligi lakshdhoiyagum, dum gup shila dildōlshum gut niat ga;

11 Ninilt̃h gun na hakhazum ga shim, ada nashikshūwilaigiamgashim, niwāl̃da lthawāl̃ shimt.

12 Ada al dupgwanō dida gwashim,